

明季稗史彙編

明倫彙編 家範典 卷一百一十五

明季稗史彙編卷十三

嘉定屠城紀略

明烈皇帝殉國之次年

乙酉五月初九日南都破弘光出亡

明禮部尙書錢謙益率先降附欲樹德東南以自解於吳人士郡人周荃謙益客也有口辯密受謙益旨謁清帥豫王言吳下民風柔軟飛檄可定無煩用兵王大悅卽日拜官使降人黃家鼐佐荃單騎安撫吳中甫出都門郡邑長吏望風解印綬士大夫皆草間求活所過輒降至吳家鼐南面自若荃獨微服出沒市塵郡人多爲之用數日後明監軍道楊文驄率兵五百人入郡城執家鼐等戮於市發取庫銀滿載去莫知所之荃匿民間免間行歸豫王王聞文驄殺家鼐等始發兵入吳三吳旣本實基於此云

五月十三日嘉定縣聞維揚陷留都將不守

十五日不肖子衿羣集縣治索廩糧鄉試條編盤費及私贖卷資諸雜項分毫丕遂攘臂大呼奸胥亂卒乘勢劫奪城中鼎沸舊令錢默本純袴子錯愕不知所爲盡發公帑置堂上恣其所取潛出重賄明

嘉定總兵官吳志葵求遣卒衛送出境并疏倡旤數十人姓氏欲悉抵於法隸卒聞風悉遁去三十日錢令得間出亡

六月初一日吳志葵遣兵執諸生十一人去

褫衣就縛徒跣行烈日中窘辱備至緣中軍官力掙釋之初四日清大將兼刑部侍郎李延齡副將總兵官署督撫事王國寶率大兵入郡始聞改南直隸爲江南內閣爲內院十四日安撫周荃單騎至邑邑中縉紳皆出避百姓無主因結綵於路出城迎之競用黃紙書大清順民四字揭於門旋緘邑篆并册籍上於郡

清授新邑令吳郡張維熙至

時六月二十四日也是日亭午志葵以百人用白布裹頭伏侍御墓旁晡時入民家亂索酒食聲言欲取張令人定後各刈蒲葦一束然其端持之以行其光燭天城中大震乃厚集民夫鳴鑼發礮東向大噪志葵兵亦羣噪應之維熙恐倉卒亦遁士民狼狽出奔遺棄嬰兒失散婦女者無算天明閭巷一空卒無他二十七日志葵復發兵來城內外百姓謂志葵恢復之師懸綵執香較迎周荃時十倍志葵用南都逃將蔣若來爲前導若來本市井無賴以膂力遭逢權貴得爲兵官不三載陞南京後軍都督

聞維揚不守棄其軍仍作微裝脫走至是從志葵入城據趨庫僅存銅銃數十急使人舁之行過徐家行大掠寸縷無遺至雞豚菽麥亦席捲而去貧民婦子哭聲震天志葵若來欣然有得色因重載入海明淮撫田仰等奉義陽王以舟師駐崇明沙

是時淮撫田仰監軍荆本徹總兵張士儀張鵬翼與宦官李國輔等合兵共奉之志葵乃率妻子從之旋舍去

閏六月初六日維熙復入縣

初八日 清將李成棟偏裨將梁得勝等以百餘艘載步騎二千鎮守吳淞是夕泊東關外恣百姓聚觀傳令索取婆子維熙以角妓應之成棟大喜坐二妓於旁笑謂觀者曰今與爾爲一家人勿畏我也黎明從陸路往吳淞不甚剽掠惟初七日騎兵先至者過新涇鎮大肆淫虐婦女不勝其斃斃者七人時大旱水涸兵船悉泊東關外梁得勝以三百人守之城外居民與貿易如平時黠者或撫其背相與嘲笑如舊識維熙使人辱水運東關外得勝大喜已刻期至吳淞行有日矣十二日城內外喧傳有薙髮之令人情始懼遂有變志是日志葵遣馬軍兪飛熊齎牌至略云初十日郡中民變殺北兵過半餘皆躲入府庠已列柵圍之本鎮卽刻統大兵入縣仰附近百姓於今晚俱用白布裹頭雜插柏枝竹

葉紅簪鵝毛爲號共剽東關兵事成有重賞各路鄉兵久爲邑諸生支益園子生須明徵等訛言扇動一聞有牌持兵蝟集謬傳志葵自劉河東過外岡矣頃又云抵青岡墩矣未及一瞬又云暫憩察院矣時卽在城居民亦以爲志葵已入城矣門遂撤下不閉以待遠近鄉兵集者漸衆王家宅鄉兵最稱完整其首許龍於客歲縛誅閩邑叛奴威名頓著至是首犯清兵與戰頗力時漏下數刻不辨誰爲志葵膽氣甚壯競舉人擲得勝船成棟自下維揚金陵京口毘陵諸處所獲精金美玉名劍寶刀無算悉付一燼未及毀者盡爲鄉兵所擄缸中多載婦女已悉被焚一少婦最姝麗呼曰我翰林公女家在揚州被掠至此列公哀憐救我鄉兵云速投水中水淺尙可活婦曰我是被鎖在船語未竟烈焰燒其身矣得勝急據高岡使兵三五作隊自上射下皆應弦而倒許龍亦中流矢死鄉兵大潰始知志葵固未嘗至也天明計首級殺清兵八十四人得勝率餘衆奔吳淞狼狽得達初成棟至吳淞策馬周視四境駭曰此絕地也張令誤我矣及聞得勝敗兵船悉盡終夜繞船不敢復寢十五日精選營中得四十騎皆驍捷善戰募吳淞居民朱字及其子香爲前導往婁東求救至羅店被圍奮死突出馳而西過三官堂殺一僧有四騎失隊鄉兵從馬後擊其佩刀刀落卽取而連斬之人馬俱斃二騎奔鄉兵追及攢稍刺死惟一騎苦戰得脫前隊至時家墳遇鄉兵復馳而東鄉兵急追漸近羅店鄉兵復大出兩路急攻

諸騎窘極隨朱香自間道過蔡家橋繞出鎮後扶創而歸過月浦復爲鄉兵截殺落荒而走望見吳淞城猶大呼救命救命至丁家橋人馬氣息僅屬一縷成棟窘迫無計惟縱兵大掠西至月浦羅店南至江灣楊家行北至錢家樓施家巷居人遷徙略盡城中風聞不一憂怖彌甚望志蔡眼穿始悟見棄皆號哭棄家而走是夕月蝕倏忽食既時天無纖雲色暗如漆占曰食盡無光主奸人誤國百姓死城邑空其兆成矣

明都察院觀政進士黃瀆耀及弟邑諸生淵耀入城

時閏六月十七日瀆耀及弟淵耀與前通政使司左通政侯峒曾二子邑諸生元演元潔倡爲守城計初瀆耀避兵石岡有同科孝廉丹陽葛麟與二力士至嚙貌甚雄武絕不類文人叩瀆耀門大聲問曰年翁在否瀆耀父家柱出迎答以在鄉麟攢眉良久曰我憂之甚年翁純儒未諳世故恐不免思一相見故迂道今不及矣家柱乃固止之爲停留飲食及瀆耀兄弟歸與之同訪志蔡於雲間共論當世事出謂瀆耀曰志蔡庸奴耳其言夸誕欲使他人幹事彼坐享其成必誤國事年翁何故信之天下事尙可爲然君儒者非其倫幸勿鹵莽遂掉臂去不言所之後追尋其語若明鏡著蔡云

成棟悉銳攻羅店屯兵馬橋

明季稗史彙編

卷十二 嘉定屠城紀略

三

時十八日也與鄉兵隔水而語佯言成棟等奉命守吳淞與羅店初無仇讐今假道歸婁東並無侵擾幸寬其一面鄉兵支洪陸文等戢手罵曰汝曹搯羊牢豕耳莫作癡想成棟怒率兵混戰陰遣銳卒東渡練祁塘西渡荻涇繞出陣後鄉兵大潰退屯來龍橋接戰良久大敗入鎮時日未出居人方爲市聞變急升屋步兵亦升東西馳逐屋瓦亂飛騎兵四面殺人大呼唐秀才何在百姓縛出者有賞唐秀才者景耀也初與吳宏宇爲鄰宏宇降成棟景耀面數其罪肆言極罵且曰歸告李成棟汝是明朝人何投降速反正可免大戮宏宇銜恨切骨悉以告成棟景耀復大書一白牌立馬橋南諭成棟降至是爲清兵所得磔於市

邑諸生唐培率鄉兵巷戰而死

唐培誓不反顧 清兵銃箭並發培被殺鎮已破時有諸生朱霞者尙張小蓋登屋鳴金冀集衆復戰清兵四集身被數創墮河號呼竟日乃死成棟知鎮民支廉爲鄉兵首支家橋一帶房屋焚毀略盡男婦被殺者一千六百四人是日城中百姓共殺須明徵毀其室明徵故尙寶卿須之彥之猶子也素無行爲鄉里所擯一聞南都被卽冠帶乘軒謁成棟稱署嘉定營守備事仍通志葵復稱監紀推官勢劫維熙取官銀數千招家丁六十名悉衣錦綺懸佩刀招搖街市間時率之至安亭鎮訪其奸豪與促膝

密語每揚言遣人赴各鎮請鄉兵分守諸要害時城守頗嚴有夜半叩關者稱爲明徵請兵人特啟關納之問鄉兵何在慢應曰城主性慳不肯發糧已散去矣衆口詰問語極支離始大疑之十八日薄暮城中競傳明徵家窩藏奸細復私造都督牌印并冠帶盔甲數十副謀盡殺滿城百姓迎成棟兵合城擾驚有頃西關外獲奸細嚴刑鞫之供爲須黨一時大譁真假莫辨明徵倉卒出亡至南關受縛步稍遲大槌擊之疾呼稱冤莫爲置辨驅至察院前斬首刳腸斷四肢分置各城門捕其家丁悉誅之家室糜碎十九日溇耀等相與謀曰今事成騎虎無主必亂乃令元演作書急促其父峒曾入城鄉兵亦列幟往迎既至集衆公議畫地而守東門峒曾爲主邑諸生龔孫玳佐之西門溇耀爲主其弟邑諸生淵耀佐之南門孝廉張錫肩爲主前秀水縣儒學教諭龔用圖佐之北門國子生朱長祚爲主鄉裏唐咨禹佐之處分已定各率衆上城巡邏嘉人士爭縛袴執刀以從人情頗覺鼓舞東北二門俱用大石壘斷街路惟西南二門稍安時啟閉仍用庫木亂石橫塞道塗以遏兵鋒二十日立挨門出了法分上中下三等上戶出了若干衣糧自備仍出銀若干備客兵糧餉并守城頭目燈燭之費中戶出了若干衣糧自備仍出銀若干下戶止出一丁分堞而守每丁日給錢六十文衣糧燈燭悉自備城上分四隅自某地起至某地止分屬各圖每圖擇一人爲長日入後當事者親自巡歷以稽勤惰其大事專屬峒曾

澹耀處分是日二都鄉兵縛一投牒者至稱爲間牒鞫之實志葵送書人發函有吳門之兵斬馘殆盡
杭州之兵貝勒云亡之語當事者深信不疑不虞其見罔也二十三日志葵復遣牌至許遣游擊蔡喬
督兵協剿當事者議云新令張維熙係清兵所署難與共守驅出城推明原任儒學訓導萬達攝縣
事巡司俞尙德充捕官是日復有健兒四人持志葵牌至來文與原牌互異嚴鞫之供爲婁東諸生浦
學浦嶠僞造將乘我不備襲取縣城既得竇立梟四人於市爾時聲勢岌岌人不自保然恃侯黃諸摺
紳協力守城避難士民扶老攜幼而歸不絕於路城上揭白旗大書嘉定恢剿義師奈兵餉兩缺所仗
惟城外鄉兵乃設計四布流言云清兵驅百姓薙髮詎卽臨以白刃逼令自殺其妻子籍爲兵使
居前隊當矢石必無活理與其客死他鄉何若集衆禦之可僥倖獲免也鄉民聞之大震怖弱者終日
鍵戶與妻子對泣强者斬木揭竿擊金鼓集衆然百姓騷然不遑甯處矣因念燒薙一事雖志葵首禍
使非支益扇動其間不至敗決如此且益在閣部史可法標下聽用領胖襖銀五千兩南都破悉飽私
窠衆欲取爲義兵餉競往攻之勢如轟雷父子祖孫死者五人悉斬其頭與明徵並頭懸城上頃之南
翔獲明徵妻子斬割屠戮一如明徵鎮中著族李氏自世廟以來蟬聯不絕貢士李陟少有雋才知名
當世居於城闕南都破於勸農公署起鵠立傳籤巡更與何凌虛等招集義兵號匡定軍議於南翔諸

富賈戶派出餉諸賈人皆銜之誅明徵之夕陟方會飲南城聞變遽擲杯走犯夜南翔里兒怪之妄言李氏潛通於敵有洪濱者暴起諸生問阿附李氏爲衆所賤指爲奸細濱恐匿李氏宅鎮中諸惡少羣擁之門陟與其從叔抗之濱等對衆猶嫚罵自若里兒素憚李氏懼事定後必正其罪因遂破其門直入無少長皆殺之分投捕殺諸李赤其族各路聞風競相盤詰路人單行稍涉疑似卽縛去亂槍戮死棄尸河中甚至一言忤意白刃驟加其人方欲置辯身首已離窮鄉僻壤自相仇殺三四人聚黨拔刃至人家往往滿門受戮遠近殺害無算時正亢旱災威逼人道旁乞丐爭挾毒投井中以扼鄉兵事露引頸受刃無一言莫知所使橋道扼要處皆設廠晨夜共守雖五家之聚亦起鄉兵以無餉故一再至城中卽絕跡不來當事者懼張榜四門此後鄉兵來者集護國留皇光慶寺中爲首一人入城領餉於是來者漸衆二十四日成棟遣其弟統精騎數十奪路往婁東求救涕泣與訣曰我軍成敗在此一舉汝不勝勿復見我矣諸騎奮死衝殺一路搏戰至北門鄉兵大集諸騎前後受敵以漸逼入倉橋街鄉兵兩路夾攻將舉火焚之諸騎窘冒死突出鄉兵合圍殺獲五騎餘騎將過倉街諸王朱元亮出新炭數十簍熾火橋上用酒醋潑之橋石頓毀城上發火礮殺三人一馬連橋擊斷一人手撒佩刀被創死路旁蓋成棟弟也從騎急下馬取首級掛鞍後馳而東復返吳淞哭於路也曰我等皆高鎮勁兵自隨

邢太太降後所過風靡嘉定縣何物蠻子來數日殺我副將六員幾日無援我軍生路絕矣成棟聞弟
死日夜與諸副將相對涕泣奈鄉兵本村農烏合初無將領乘興一聚卽鳥獸散郊外無一人往來孤
城蕩蕩僅存一白旗迎風招颭而已成棟於軍中選黠者二人去其辮作僧人服潛至城下偵得實歸
報成棟舉手加額曰天也天也始謀身自率合婁東兵共破嘉定云爾時城中束手無策惟連請志葵
星馳赴救時志葵已貳於義陽王以計脫其妻子遁歸雲間斂諸鄉衞富貴金建牙泖河矣許卽日
遣游擊蔡喬率兵來援當事者大喜用白旗大署游擊將軍蔡督令精兵十萬鄉兵三十萬刻日會剿
云云冀聳動老營使爲內應募急足齋至吳淞境上成棟謀者早伏近郊纖悉畢知二十五日城中以
書幣迎蔡喬於塗其兵不滿二百皆癯弱不振惟喬頗勇健使鐵簡重二十五斤差以可用所攜火藥
糧儲在舟中求姑置城內自率兵營於城外議者皆曰宜許之被戰而勝軍資在我其心益固不勝留
以爲質勢不敢棄我去嗣曾涇耀等以喬素微賤心不可保乃遣人饋問令泊舟南關外二十六日五
更方遣人市羊豕祭旗傳令於東關外安營次第引舟前成棟遣諸將銜枚疾走已嚴陣以待蔡兵不
知所措爭赴水奔逃追騎以槍尖貫其胸若刺魚鼈喬尙臥舟中聞變驚起持鐵簡躍登岸步行衝陣
頗有殺傷奪一馬乘之孤身獨戰力盡敗回 清兵圍之數匝東關有徐福者奮力往救與喬俱死其

兵初無紀律一時潰散嗣曾滄耀等拔堞而望見喬敗惟連呼高皇帝烈皇帝在天之靈慟哭相向而已成棟遣十餘騎若將薄城者城上連發大礮傷二人遂引去過新涇鎮縱火焚屋雞犬悉盡成棟至吳淞分遣步兵於月浦楊家行等處捉人剃頭且云助我破賊財物恣汝取之時吳淞老營已降順因沿村擄強壯益之兵勢復振二十九日成棟悉衆過東門迤邐以北當事者懸十金募人渡濠焚倉橋一帶民居成棟至婁塘紮營磚橋鄉兵預於鎮之東偏駕木爲高臺用作偵探出弓箭手二十餘人立宣家墳鄉兵環集左右成棟使騎兵分左右翼自將中軍衝殺而前鄉兵力戰以步騎不敵死傷略盡會日暮成棟吹螺收兵入村落淫殺無度取其雞豚夜縱飲不輟各村鎮猶傳清兵自吳淞來一路爲鄉兵截殺所存不過十數騎今力竭勢窮願獻精金百鎰買路歸婁東矣未幾又傳二十三都鄉兵夜負豆葉一大捆於背伺清兵熟睡入其營誘致羣馬驅之南騎兵恐獲罪逃逸者過半矣諸鄉兵未諳兵勢爭裹糧厲兵而來嗣曾滄耀等親自臨城勉以忠義言與淚俱人皆感奮因下令諸鄉勇能鼓衆赴敵者每人先給白布二疋仍每日頒折餉銀二錢有能得敵人首級者每顆給銀十兩七月初一日會兵磚橋東不下十餘萬人排擠擁塞紛呶如聚蚊多適爲累清兵每戰必分左右翼鄉兵不識陣勢呼爲蟹螯陣每發挑戰多不過十餘騎皆散落不集一處諸鄉兵遙見兵出擁擠益甚手

臂相摩憂軋作聲澹耀聞事急呼其僚婿諸生徐文蔚慰勉之使率西門鎮鄉兵疾馳赴救拜而送之杭家村安亭鎮一小聚落也亦集眾赴義獨揭一紅旗在前諸鄉兵因言紅旗者宜作前鋒執旗者杭文若也其人曾習舉子業少年銳氣率爾獨出其降人毛玉佩揮斬馬刀直前亂砍殺騎兵二人戰良久復殺一人將奪其馬 清兵攢稍刺之玉佩文若並死於陣西門鎮鄉兵馮滿龐瑞許臣等猶奮死血戰大呼併力卒無應者乃曳兵反走徐文蔚被殺 清兵乘勝直前走者不知所爲相蹈藉而死抉眼流腸不計其數前阻大河欲退無路殘兵競投戈赴水時正溽暑數暴雨河水驟漲尸骸亂下一望無際成棟大陳兵仗踞鄉兵所架高臺磨兵入鎮肆行屠戮共殺一千七十三人擄去婦女無算選美婦室女數十人置宣氏宅慮有逃逸悉去衣裙淫盡毒虐不可名狀分部括取金帛滿載往婁東城中猶訛傳鄉兵大捷戶派煮酒飯若干以犒勝兵頃之聞敗悉括城中老幼驅使上城連日夜莫敢交睫於西東南北荒落處各設層臺一座集眾守之因所獲奸細藏詩謎於衣領間有女牆無樹不樓鸞之句疑於此處有內應也是日東關外傳入成棟榜文有開門降誓不殺一人之語或謂大勢已去諸公宜爲十萬生靈計澹耀拂然推案痛哭峒曾錫眉等亦悲不自勝取榜共裂之急遣人焚沿城一帶民居烟焰張天累日夜不息於烈日中督促民夫搬運磚石置城上莫敢暫休視城外一望曠蕩鄉兵

無一置者每近黃昏風景慘淡鬼聲啾啾城中掩淚相視共知必死矣

清兵至婁塘

解甲韜戈寂然不動初三日會同婁東兵擁大眾至盡銳攻城礮聲轟轟不絕守城百姓股慄色變當事者懼分投慰勉曰我與爾曹室家婦子盡在是少有蹉跌萬家同命矣百姓哭應曰諾復懸重賞募人渡濠焚西關外河南一帶民居莫肯應先是錢令去時開庫盡給羣胥軍器火藥惟人所取四門城樓肩鎖甚堅尙有存者鄉兵至乃悉取之至是徒手應敵而已嘉定本泥城嘉隆間倭奴屢攻不能克自邑令楊旦築磚城最稱完固 清兵發大礮衝之頽落不過數版乃多昇板扉至東北城下以禦矢石使數十人伏其下穿大穴腰間各繫長繩有死者卽牽去復用壯丁補之穴遂透諸生馬元調侯元演元潔等督民夫急用金汁灰瓶盡力防禦陷處下巨木塞之 清兵乃佯攻東門潛遣卒至北門欲從水竄入城中復連下大石不能克是夕有赤氣起於北方俄變成黑其長亘天守陴者喧傳有神人披髮仗劍立馬雲霧中皆曰元武神也望空羅拜曰神人相助我屬無患矣然瞰城下兵益衆攻益力舉礮益繁終夜震撼地裂天崩礮硝鉛屑落城中屋上簌簌如雨嬰兒婦女狼奔鼠竄雖至窮苦必以一簪一珥繫肘間曰此買命錢也揆至初四日五更大雨守城百姓露立三晝夜兩眼泡爛瞠欲仆

復遇暴雨舉體沾濕食飲幾絕不能自支漸有去者時當事者與諸孝廉青衿悉仗劍立雨中見守城者將散大驚分投勸勉然不能禁矣 清兵見守城者漸弛攻愈急多縛軟梯至城下一將以大桌覆其面躡梯而上勢如飛鳥城上磚石如雨悉中桌上一躍而登遂斧斷東關縱兵大入峒曾猶坐城樓指麾自若二子侍遽呼曰事急矣何以爲計答曰有死而已復何言所恨者枉送一城百姓耳語未竟守陴者過而大呼城已破峒曾急呼二子去不從復大聲訶之走數步復還峒曾怒叱曰我死國事分也祖母在若輩應代我奉事戀我何爲二子慟哭而去至孩兒橋皆被殺峒曾溺宣家池不死立水中嘆曰人死亦大難事回顧見一伍目乃其兵憲時隸也隨峒曾在城因使抑其首冀得速死隸泣不從固命之乃兩手抑其首入水啾啾有聲復不死爲 清兵引出斬之競奪其首獻之成棟梟示四門一日復懸門左旗竿上大署逆官侯峒曾首級示衆初六日 清兵棄城去繩絕墮地眼鼻已潰鬚髮猶赫然可辨國子生朱之熙識急捧歸篋送廠頭里覓尸身不得其僕哭於路曰主君殉難時下體著黃紗袴用綠絲帶結襪有童子指之知其處驗之良是得就木若有神助云方城破時西門尙未有兵城中男婦悉西走街路俱有亂石走塞顛頓得達號哭求啟關澆耀堅握鎖鑰不應其同榜進士王泰際適至爲百姓請命語甚哀懇不從復以年誼動之澆耀大怒曰若欲獻城請自爲之我頃刻死人不顧

年誼矣泰際急走南門縋城逸去俄聞城破方聽啟關城門爲巨石堵塞僅容一人往來然鼠竄而出者尙數十人及清兵至悉從屋上奔馳通行無礙難民在下者反阻絕不得路悉投河死水爲不流澆耀兄弟知事不可爲方下城遇其紀綱僕急問我父安在謬應曰死亂兵矣澆耀痛哭仆地不能起時大雨滂甚淵耀自控一馬至趨澆耀共乘至一庵乃平日與其同年友陳俶讀書處也主僧號無等者尙在獻茶啜茶畢諭僧無等曰大師急避某兄弟從此辭矣因啟鍵戶取筆書云遺臣黃澆耀於弘光元年七月初四日自裁於西城僧舍嗚呼進不能宣力皇朝退不能潔身自隱讀書寡益學道無成耿耿不滅此心而已異日寇氛復靖中華士庶再見天日論其世者尙知予心書罷顧視淵耀已赫然梁間矣澆耀仰屋而嘆遂縊其側初澆耀精心理學於書無所不窺著述甚富旣連擧魏科布衣徒步不異秀才時屢勅家人勿預外事居常鬱鬱恨所志不遂自國變益復無聊淵耀每譬解之一日淵耀自外入見幼弟戲於庭撫其背曰六郎汝豎子何知國事至此汝大兄必死節兄死我不忍獨生汝將來未知流落何處尙爾嬉笑耶時清兵未至衆人詫爲不祥至是果驗云

明張孝廉錫眉守南城度必破死之

於六月二十六日先作絕命詞大書袴上云我生不辰僑居茲里路遠宗親邈隔同氣與城存亡死亦